



Asocijacija radioamatera u Bosni i Hercegovini

Franca Lehara 5, pošt. fah 61, 71001 Sarajevo
Tel/fax: 033.226.383, e-mail: kancelarija@arabih.net, web: www.arabih.net
ID broj: 4200674380007, Račun: 3389002206120771 kod Unicredit Bank d.d. Sarajevo

Informacija o učešću ARABiH u GlobalSET vježbi održanoj 13.11.2010.

Međunarodna organizacija radioamatera IARU (*engl. International Amateur Radio Union*), odnosno njena Radna grupa za komunikacije u kriznim situacijama za IARU - Region I (ovaj region IARU obuhvaća Evropu, Afriku, Bliski Istok i azijski dio bivšeg SSSR) organizovala je dana 13.11.2010. u vremenu od 11,00 do 15,00 sati GlobalSET vježbu (*engl. Global Simulated Emergency Test*).

Zadani ciljevi vježbe su:

1. Podizanje interesa radioamatera za učešće u aktivnostima vezanim za komunikacije u kriznim situacijama,
2. Testiranje praktične mogućnosti korištenja frekvencija određenih za komunikacije u kriznim situacijama kroz različite ITU regione,
3. Ovladavanje praksom rada u međunarodnim mrežama za krizne situacije,
4. Vježbanje prakse prijenosa poruka u kriznim situacijama svim vrstama rada (telefonija, digitalni modovi, telegrafija).



Članovi RK Mostar (E71CBC) u GlobalSET vježbi, postavljena je mobilna amaterska KT radiostanica koja radi na akumulator, na koti iznad Mostara

Organizacijom ove vježbe IARU želi simulirati stvarnu kriznu situaciju međunarodnih razmjera (poplave, zemljotresi i sl.) u kojima dolazi do djelimičnog ili potpunog prekida redovnih komunikacionih kanala (telefoni, internet, sistemi veza državnih službi i sl.). Želi se animirati državne radioamaterske saveze, članove IARU, da učestvuju u istoj na način da što veći broj članova saveza za vrijeme vježbe radi prijenos poruka koje se tiču simulirane krizne situacije putem radioamaterskih stanica.



Članovi RK Mostar (E71CBC) u GlobalSET vježbi, postavljen je UKT repetitor koji radi na akumulator, na koti iznad Mostara

Asocijacija radioamatera u BiH (ARABiH) je kao članica IARU učestvovala u ovoj vježbi sa pet ekipa: HQ ekipa koja je predstavljala ARABiH, te još četiri ekipe iz radio klubova iz različitih dijelova BiH, članova ARABiH, koji su iskazali interes za učešće u ovoj aktivnosti.

Ekipe ARABiH su bile raspoređene na različite lokacije, neke od ekipa su u svrhu simuliranja stvarnih kriznih situacija radili sa neurbanim lokacija, dok su druge koje su radile iz urbanih područja simulirali situaciju kada nema električne energije (korišteni su agregat, ili akumulatori), te nema fiksnih antenskih sistema već su na dan vježbe radili postavljanje antena, ili koristili mobilne antene.

Dvadesetak radiooperatora, članova ARABiH formiralo je pomenutih pet ekipa. Urađeno je nekoliko desetina veza sa stanicama u Evropi, a bilo je par kontakata i sa

stanicama na drugim kontinentima. Izvršena je uspješna razmjena i prijenos više desetina poruka, te su na taj način simulirane mogućnosti rada u kriznim situacijama.

GlobalSET Message Log								
Callsign Used:		E7ØARA		QTH:		nr Sarajevo		Page Num
Originating Info		Received From:					Sent To:	
Message Number	Station of origin	Callsign	Mode/Band	Time (UTC)	Date (UTC)	by (Operator)	Callsign	Mode/Band
3	E7ØARA	SP1ZZW	20m SSB	1043	13.11.2010	SQ1KSD	GB4NRC	20m SSB
1	E7ØARA						GB4NRC	20m SSB
1	E7ØARA	OM9HQ	15m SSB	1150	13.11.2010	OM5HQ		
1	E7ØARA						EA/PDØPJ	20m SSB

Izvod staničnog dnevnika ARABiH HQ stanice (E7ØARA)

Cjelokupna vježba je rađena na apsolutno volonterskoj osnovi, odnosno entuzijazmu radioamatera. Sve troškove vježbe su radioamateri snosili sami, koristeći vlastita vozila, sredstva veze, antene, agregate i sl., a sve u želji da učestvuju u ovoj međunarodnoj aktivnosti, predstave Bosnu i Hercegovinu i na ovaj način, te pokažu kako i drugi segmenti društva mogu računati na radioamatere za slučaj eventualnih kriznih situacija.

Sarajevo, 26.11.2010.

Informaciju sačinio:
 Koordinator ARABiH za RMZO
 Vedad Osmanović